


朝鮮史料汇编



中国文献珍本丛书

朝鲜史料汇编
(三)

全国图书馆文献缩微复制中心

朝鲜史料汇编总目录

第一册

宣和奉使高丽图经

第二册

高丽史（卷一—卷八）

第三册

高丽史（卷九—卷十八）

第四册

高丽史（卷十九—卷二十八）

第五册

高丽史（卷二十九—卷三十九）

第六册

高丽史（卷四十—卷四十九）

第七册

高丽史(卷五十一—卷五十六)

第八册

高丽史(卷五十七—卷六十六)

第九册

高丽史(卷六十七—卷七十五)

第十册

高丽史(卷七十六—卷八十四)

第十一册

高丽史(卷八十五—卷九十五)

第十二册

高丽史(卷九十六—卷一〇五)

第十三册

高丽史(卷一〇六—卷一一四)

第十四册

高丽史(卷一一五—卷一二七)

第十五册

高丽史(卷一二八—卷一三七)

第十六册

经略复国要编(卷一—卷七)

第十七册

经略复国要编(卷八—后附)

第十八册

两朝平壤录

万历三大征考

惩毖录

征韩伟略

第十九册

朝鲜纪事

使朝鲜录

朝鮮圖說
朝鮮志

第二十冊

朝鮮史略

清乾隆四十八年朝鮮國王咨文

朝鮮國王李琠上清宣宗（道光）表文

朝鮮國王李煥上清宣宗（道光）表文

朝鮮國王李昇上清文宗（咸豐）表文

朝鮮國王李昇上清穆宗（同治）謝表

朝鮮國王李熙上清穆宗（同治）謝表

世家卷第九

高麗史九

正憲大夫工曹判書集賢殿大提學知經筵春秋館事兼城均司成臣鄭麟趾奉教修

文宗三

壬二十六年春二月辛亥朔詔禮部重定禮服制度

丁巳辛興王寺 丙午以兵部侍郎文正為西北面

兵馬副使戶部侍郎閔昌壽為東北面兵馬副使

壬申東女真麼豆漢等二十五人來投 甲戌特設

燃燈會於重光殿 三月癸巳以金德符為尚書右

僕射李聰顯為禮部尚書金陽為工部尚書 甲午

辛真觀寺 庚子御文德殿覆試賜朴維恪等及第

夏四月甲子大雨雹 己巳中書侍郎平章事異

惟忠卒 五月丙申西女真歸德將軍麼舍乃等來

獻土物 六月庚戌宋遣醫官王愉徐先來 甲戌

金悌還自宋帝附勅五道其一曰卿繼奕世而有邦

以勤王為可願百名修貢既申琛贄之儀累幅擣辭

更致煥寒之問其勤至矣何慰如之其二田日卿世綏

三韓雄視諸部而能謹事大之節堅面內之誠乃心

朝廷實發寤寐有嘉侯庶克紹先猷省閱以還褒嘆

良至其三曰忠孝之純雖遠而應往來之尚無德不

酬載嘉述職之勤宜有解衣之錫今人使金悌廻賜

國信物包別賜衣帶錦綺等具如別怕至可領也其

四曰人使金悌至省所進奉御衣二領黃蜀衫一領
銷金紅羅袂復紅蜀便服一領銷金紅羅袂復共用
銀釵鏤裝烏漆箱盛金鍍銀鎖鑰封全紅梅花羅袂
帕外羃金腰帶一條重四十兩紅羅袂袋銀釵鏤匣
重八十兩紅羅繡袂復封金紅梅花羅袂帕外羃金
束帶一條重三十兩紅羅繡袂袋銀釵鏤匣重六十
兩紅羅綉袂復封全紅梅花羅袂帕外羃金合二副
共重六十兩各副盛蜀勒帛二條蜀袂袋子二枚銷
金紅梅花羅袂復封全共用紅梅花羅袂帕外羃金
盤盞二副共重四十兩紅梅花羅袂復袂封全共用紅
梅花羅袂帕外羃金注子一副重六十五兩紅梅花

羅袂複封全紅梅花羅袂帕外冪金鏤羅一隻重一
百五十兩紅梅花羅袂複封全紅梅花羅袂帕外罩
紅罽倚背六隻紅梅花羅袂複黃罽倚背四隻紅梅
花羅袂複紅罽褥六隻紅梅花羅袂複黃罽褥四隻
紅梅花袂複共用銀釵裝烏漆箱二副盛銀鏤鑰封
全紅梅花羅袂帕外罩細弓四張共用紅梅花羅袂
袋盛孝子箭二十四隻細鏤箭八十隻金鍍銀裝罽
器仗二副紅錦袂袋封全白銀裝黑皮器仗一副紅
錦袂袋封全金鍍銀裝白皮器仗一副紅錦袂袋封
全共用紅梅花羅袂帕外冪銀裝長刀二十隻銀釵
鏤裝烏漆鞘綵條全白錦外裝十箇封全青錦外袋

十箇封全共用紅梅花羅袂帕外罩紅馬四匹鞍二
副金鍍銀橋瓦鉸具蜀大小韉韉紅羅鞍褥等全紅
羅繡袂帕外罩鞍二副銀鍍鏤橋瓦錢具黑皮大韉
紅羅小韉紅羅鞍褥等全紅羅繡袂帕外罩香油二
十缸松子二千二百斤人參一千斤生中布二千匹
生平布二千匹事具悉卿世撫遼東實冠帶禮義之
國心存闕下希文物聲明之風爰遣使人遐將貢篚
承考惟孝事大則忠發於至誠輾是雙美覽閱之際
嘉嘆良多今使回賜卿銀器等具如別幅至可領也
其五曰省人使金悌奏於晉昭王寺等處納附銀設
齋祝聖壽事箕子啟封肇於遼左僧伽演教追在泗

卷九

三

濱會使指之來斯致齋修而勤甚載披善祝益昭端
誠帝以本國尚文每賜書詔必選詞臣著撰而擇其
善者貯遣使者其書狀官必召赴中書試以文乃遣
之 秋七月癸巳以翰林學士國子祭酒鄭惟產知
西北面秋冬番兵馬事兵部侍郎李碩為東北面秋
冬番兵馬副使 丙午校尉巨身謀逆伏誅 閏月
甲寅以崔有孚判尚書刑部事 九月甲子東女真
霜昆等來獻駿馬 冬十一月丙午朔遼遣永州刺
史耶律直來行三年一次聘禮 十二月乙亥朔遼
遣檢校太尉張日華來賀生辰 庚寅東女真沙於
賀等來獻土物 戊戌以李徵望為兵部尚書

癸丑

二十七年春正月乙巳朔放朝賀 地震 戊辰王
如普濟寺 二月乙亥朔命有司作亭於平理驛以
為行幸駐蹕之所 戊寅以鄭惟產攝刑部尚書盧
寅為殿中監柳洪為兵部侍郎中樞院知奏事 甲
申辛興王寺 乙未東女真歸順州都領大常古刀
化副都領古舍益昌州都領歸德將軍高舍都領黔
夫氈城州都領奉國將軍耶好歸德將軍吳沙弗恭
州都領奉國將軍多老番長巴訶弗恩服州都領元
甫阿忽都領那居首温州都領三彬阿老大誠州都
領兄多弗等率衆內附乞為郡縣賜古刀化名孫保
塞高舍名張誓忠各授懷化大將軍耶好名邊最多

老名劉咸賓名授奉國大將軍吳沙尹名魏蕃授懷
化將軍阿忽名揚東茂授歸德將軍古舍名文格民
黔夫名康績巴阿弗名盧守那居首名張帶垣三彬
名韓方鎮阿老大名高從化尼多弗名趙長衛各授
大常仍賜物有差 城州都領奉國大將軍蘇德等
十四人來獻名馬 丁酉王如奉恩寺特設燃燈會
慶讚新造佛像街衢點燈兩夜各三萬盞重光殿及
百司各置綵樓燈山作樂戍戍御殿觀燈置酒太子
及宰樞臺省侍臣知制誥侍宴夜分乃罷 三月己
酉設般若經道場于會慶殿五日以禳災變 丁巳
幸開國寺 丁卯幸弘化寺遂如玄化寺置酒蓬萊

亭夜分乃還 夏四月甲戌朔日食 丙子制曰東北邊十五州外蕃人相繼歸附願置郡縣於今不絕此實賴宗廟社稷之靈其令宰臣先告事由待遠近畢納款拓定州縣而後親行恭謝其行禮及太子攝事之儀有司詳議以聞 壬辰幸龜山寺遂置酒于龜臺太子諸王宰樞侍宴夜半乃還 丁酉幸外帝釋院 五月丁未西北面兵馬使奏西女真酋長曼豆弗等諸蕃請依東蕃例分置州郡永為藩翰不敢與契丹蕃人交通制許來朝因命後有投化者可招諭而來又奏平虜鎮近境蕃帥柔遠將軍骨於夫及覓害村要結等告云我等曾居伊齊村為契丹大完

名職通者再蒙樞諭於己酉年十一月赴朝厚承恩賚
 且受官職不勝感戴顧所居去此四百里往復為難
 請與狄耶好等五戶引契丹化內蕃人內徙覓害村
 附籍永為藩屏於是檢得戶三十五口二百五十二
 請載版圖蕃帥又言三山村谷海邊分居蕃賊殺掠
 往來人物為我仇讎今欲報讎告諭化內三山村中
 尹夜西老等三十徒酋長東蕃黑水人其種亦皆響
 應各率蕃軍方將進討請遣鄉人觀戰於是遣定州
 郎將文選及將校譯語等著蕃服與邪復其村都領
 霜昆下蕃軍同發文選等馳報骨面等村都領各將
 兵到三山阿方浦探候賊穴凡三所一為由戰村一

為海邊山頭。為羅竭村賊一百五十戶築石城於川邊置老小男女財產於城中以步騎五百餘人逆戰我蕃軍大呼急擊彼眾大潰斬二百二十級餘眾走保其城我蕃軍乘勝追擊攻城縱火生擒三百三十二人在城拒戰者皆燒元又進攻由戰村場適有大雨糧少引還居數日文選等復與蕃兵二千三十人進屯由戰村石城下賊閉城固守以城險竟不得攻糧盡引還羅竭村之後都領大完多於皆阿半尼等蕃軍六百八十餘人力戰破賊文選等十五人監戰有功請行思賞以示勸懲門下待中崔惟善等十三人議奏三山村賊本非犯邊之寇也今蕃軍等不因